



Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, [ca. 1708]

XII. Januarii.

[urn:nbn:de:hbz:466:1-50961](#)

S. Ælredus Abbas à prima infantia Dei, ac Dei-paræ favoribus, melliflui Bernardi collataneus cum MARIÆ lacte parem etiam stylum suxit, quem Dei Matris honoribus addicens, egregium de ejusdem Virginitate librum conscripsit. *Gibboni.* Sunt sui etiam virtuti in libris liberi, qui aliis è thoro natis multùm præstant.

O lactee Magnæ Dei Matris fili, tua pro me apud eandem merita interpone, ut ubi lingua & fauces meæ præ mortis angustiis aruerint, eas illa suæ gratiæ rore refocillare dignetur. O Sanctissima Dei, & mea, Mater pretiosissimal ego N. indignissimus filius tuus ex toto corde, omnib[us]q[ue] tam corporis, quam animæ viribus centies millies, imò infinites te saluto: te omni possibili omnium possibilium & actualium creaturarum affectu amare, tibi usque ad ultimum vitæ spiritum, quantum possibile &c. f. 2.

Ad quod impetrandum mel in corde, lac in ore mihi MARIÆ dulcissimum nomen erit, centies & usque centies hodie Ave MARIA ingeminabo.

O felix MARIA, sicut omnis peccator à te aversus, & à te despectus, necesse est, ut intereat; ita omnis peccator ad te conversus, & à te respectus impossibile est, ut pereat. *S. Anselm. Or. ad B. V.*

Quæstio: An Christus possit aliquid Matri suæ negare? *v. Celada in Jud. fig. c. 8. §. 10.*

XIII. JAN.